

BASES DO CONCURSO

II Escola dEPrensa EI Progreso

O diario **ELPROGRESO** convoca a II edición do concurso **Escola dEPrensa EI Progreso**.

Quen poden participar?

Poden participar os alumnos dos últimos cursos de Educación Primaria (5º e 6º) e Educación Secundaria Obrigatoria (1º a 4º de ESO) de calquera dos centros públicos, privados ou concertados da provincia de Lugo.

Cada equipo estará formado por un máximo de 30 alumnos dun mesmo ciclo educativo e un profesor, que será o responsable da dirección do equipo.

Un mesmo centro poderá presentar cantos equipos desexe.

Como inscribir ao noso equipo?

Para participar no concurso, é necesario formalizar a inscrición antes do 31 de outubro de 2017, cumprimentando os formularios que atoparedes en www.escoladeprensaelprogreso.es É imprescindible que nel queden reflectidos todos os alumnos que participen na elaboración do xornal, así como o profesor que os dirixirá, reseñando o nome que identificará ao grupo, e que se poderá elixir libremente. Todos os integrantes do grupo e o titor figurarán na mancheta do xornal.

Aínda que poderá facerse unha preinscrición enviando un correo electrónico a escoladeprensa@elprogreso.es, a inscrición só será efectiva unha vez recibida toda a documentación orixinal debidamente cumprimentada, coa firma e selo do centro de ensino ao que pertencen os equipos, na dirección:

ELPROGRESO, Rúa Puro Cora, 3 - 27002 Lugo.

Cada equipo deberá enviar unha fotografía de grupo, así como fotografías individuais de cada un dos integrantes.

Ademais, os equipos terán que enviar unha gravación en vídeo (duns 3 minutos de duración), na que farán unha presentación do mesmo.

De canto tempo dispomos para elaborar o noso xornal?

O concurso prolongarase dende o 1 de novembro de 2017 ata o 30 de abril de 2018.

Os gañadores daranse a coñecer a través de **ELPROGRESO**, nas súas edicións en papel e dixital, nunha data que se anunciará nestes mesmos medios coa suficiente antelación.

Ademais dos premios colectivos, o concurso inclúe varios recoñecementos especiais de carácter individual. Para acceder a estes premios especiais, os alumnos deberán inscribirse na categoría que corresponda.

Categorías:

O xurado seleccionará un xornal gañador por cada categoría:

- 5º e 6º DE PRIMARIA
- 1º e 2º DE ESO
- 3º e 4º DE ESO

Premios especiais

Os premios especiais premiarán o esforzo daqueles alumnos que realicen o mellor traballo en cada unha das seguintes categorías:

- Entrevista
- Reportaxe
- Fotografía
- Artigo de opinión
- Tira cómica/viñeta

Os traballos deberán ir asinados polos seus autores, e no caso de que non teñan firma ou o sexan elaborados por máis de dous membros do equipo, o premio entregarase ao grupo.

As distintas categorías poderán quedar desertas no caso de que o xurado estime que ningún dos participantes reúne no seu traballo a calidade suficiente.

PREMIO AO MELLOR VIDEO DE PRESENTACIÓN

Os equipos deberán enviar unha gravación en vídeo para presentar ao grupo. Todos os vídeos de presentación colgaranse na páxina www.escoladeprensaelprogreso.es.

Para otorgar o premio, o xurado valorará, ademais da orixinalidade, a naturalidade e o dinamismo dos presentadores. Tamén a creatividade global dos mesmos.



Todos os grupos participantes deberán incluír un traballo (artigo ou reportaxe) sobre os beneficios do leite na alimentación, a súa produción ou a importancia do sector lácteo na nosa provincia.

O mellor traballo, ao criterio do xurado, recibirá un premio.

PAUTAS DE ELABORACIÓN DO PERIÓDICO:

Cada xornal deberá estar formado por 32 páxinas.

Cada páxina será elaborada nun documento de tamaño A3 (420x297 mm).

ELPROGRESO porá a disposición dos equipos un maqueteiro, ao que se poderá acceder desde a web, para deseñar as distintas seccións.

Cada equipo poderá elixir como estruturar o seu xornal, e que seccións inclúe (entrevistas a personaxes relevantes, reportaxes ou artigos sobre a localidade, o colexio, medio ambiente, viaxes, música, literatura, deportes, cultura, humor gráfico e pasatempos, etc.).

O xornal levará tamén unha mancheta, espazo no que figurarán o nome dos alumnos e o profesor que participaron na elaboración da publicación, así como o centro ao que pertencen.

Na elaboración dos textos, poderán utilizarse os idiomas galego, castelán ou ambos.



As fotografías utilizadas deberán ser orixinais ou contar coa autorización do autor para a súa inserción na publicación.

Unha vez rematadas as 32 páxinas, enviaranse en formato orixinal e en PDF por correo electrónico. En todos os casos, os envíos do material deberá realizalos o profesor /titor, a través do correo electrónico que se habilite para o proxecto. Non se tomarán en consideración os traballos que se envíen por outras vías e sen a supervisión e autorización expresa do titor.

CRITERIOS DE VALORACIÓN:

Na selección do traballo gañador valoraranse a calidade e orixinalidade dos contidos publicados e o deseño da publicación, con criterios equivalentes aos que se utilizan para a elaboración dun xornal.

XURADO DO CONCURSO:

ELPROGRESO designará aos membros que formen parte do xurado do concurso, que será o encargado de fallar os premios en cada unha das categorías indicadas. O xurado estará formado por especialistas en xornalismo e educación.

GAÑADORES E PREMIOS DO CONCURSO:

Seleccionarase un xornal gañador por ciclo educativo. O tres xornais gañadores imprimiranse na rotativa de ELPROGRESO, para a súa distribución no centro educativo ao que pertenza o equipo gañador.

Os PDFs de todos os xornais participantes aloxaranse, para a súa consulta, en www.escoladeprensaelprogreso.es.

A participación no concurso implica a cesión en exclusiva polos autores a ELPROGRESO dos dereitos de explotación dos traballos, incluíndo os dereitos de reprodución, distribución, adaptación a outros formatos, recompilación e comunicación pública, en calquera dos soportes.

Os premios serán entregados nun acto público final.

PROTECCIÓN DE DATOS:

Os datos persoais dos participantes no concurso, tanto de alumnos como profesores, serán incluídos nos ficheiros que **ELPROGRESO** ten inscritos na Axencia de Protección de Datos, conforme á Lei Orgánica 15/1999 e ao Real Decreto 1720/2007 que a desenvolve. O nome e a imaxe dos concursantes, así como o nome dos centros aos que pertencen, poderán ser obxecto de comunicación pública que poida levar a cabo **ELPROGRESO**.

No entanto, os participantes poden exercer os seus dereitos de acceso, rectificación, cancelación e oposición, previa acreditación da personalidade ou da representación, na dirección de **ELPROGRESO**: Puro Cora 3, 27002 Lugo.

ACEPTACIÓN DAS BASES:

A inscrición neste concurso supón a aceptación destas bases, así como a decisión do xurado